

**MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018**

PERKARA : 4(B)(XXIV)11

**SOALAN BERTULIS OLEH AHLI KAWASAN TELOK AYER TAWAR
YB. MUSTAFA KAMAL BIN AHMAD**

11. Apakah langkah-langkah yang diambil oleh Kerajaan Negeri bagi menggalakkan industri pelancongan berkembang di Seberang Perai khususnya dalam KADUN Telok Ayer Tawar?

**YB. YEOH SOON HIN
MENJAWAB BAGI PIHAK Y.A.B. KETUA MENTERI**

11. Langkah-langkah yang diambil oleh Kerajaan Negeri bagi menggalakkan industri pelancongan berkembang di Seberang Perai khususnya dalam KADUN Telok Ayer Tawar adalah seperti berikut:

- (a) Mengenal pasti tempat-tempat baharu yang mempunyai potensi untuk dibangunkan bagi tujuan pelancongan. Pada masa ini, Kerajaan Negeri telah mengenal pasti kawasan Pantai Robina yang berpotensi dibangunkan sebagai Pantai Robina Eco Park dan pihak Majlis Perbandaran Seberang Perai (MPSP) sedang dalam tindakan menyediakan pelan pembangunan;
- (b) Menggiatkan promosi bagi kawasan dan tarikan pelancongan melalui penerbitan risalah, peta dan dokumentari seperti *Seberang Perai Heritage Map*, *Seberang Perai Tourist Map* dan *Seberang Perai Utara Tourist Map*;

- (c) Mempertingkatkan infrastruktur serta menyediakan lebih banyak kemudahan mesra pelancong;
- (d) Menggalakkan dan meningkatkan produk-produk tarikan pelancong yang bertaraf antarabangsa;
- (e) Meningkatkan program dan acara berdasarkan pelancongan untuk mewujudkan minat serta menambah bilangan pelancong; dan
- (f) Bekerjasama dengan Kementerian Pelancongan, Seni dan Budaya Malaysia dalam usaha untuk meningkatkan penyertaan pengusaha tempatan dalam Program *Homestay*.

Pihak Kerajaan Negeri bersedia menerima pandangan-pandangan dan cadangan-cadangan daripada ADUN-ADUN di Sebarang Perai untuk segala usaha menggalakkan industri pelan pelancongan di Seberang Perai termasuk KADUN Telok Ayer Tawar.